

REFERAT:

Taktisk samhandlingsgruppe møte 07 – 15.02.22

Deltok: Kjell-Arne Nordgård, Leiv Erik Husabø, Thomas Vingen Vedeld, Øystein Furnes, Frode Myklebust, Elin Sørbotten, Kari Furevik, Robert Brennersted, Bent-Are Hansen, Tone Holvik og Dagrun Kyrkjebø.

Møteleiar: *Asle Kjørlaug*

Referent: Terje Olav Øen kl. 14.30 – 15.30 996888@vm.nhn.no

1. Godkjenning av innkalling, sakliste, referat/aksjonspunkt

Referat, innkalling og sakliste er godkjend.

2. Status møte

Helse Førde:

Få covid-19 pasientar innlagt i sjukehus. Har 2 innlagde på sjukehus – ingen på intensiv.

Høgt sjukefråvær som i samfunnet elles. Har vore opp i 25 % sjukefråvær på ei avdeling. Sist veke var 1031 (85 %) av 1218 analyserte prøver positiv for covid-19. Det er ressurskrevjande for mikrobiologisk avdeling å måtte ringe ut svar på alle desse prøvene.

Kommunane:

Kinn: Mykje smitte – lite sjukdom. Nokre som har moderate pustevanskar. 1200 positive eigenregistrerte testar siste vekene. Litt utfordrande med sjukefråvær, men det har ikkje gått utover drifta. Påverkar ein del samfunnsfunksjonar. Har hatt ein del informasjon i media. Har bra med testar og giev råd om kven som skal teste seg. Det byriar å normalisere seg.

Sunnfjord ca. 1000 positive og 300 positive CPR testar siste fire vekene. Bra tilgang til hurtigtestar. Siste døgn har 300 pasientar sjølvregistrert seg som positiv covid-19. Har ein del utfordringar ved barnhagedrift. Har måtte redusere tilbodet litt. Er byrja å arbeide med andre oppgåver enn pandemi.

Sogndal: Folk er ikkje så redde for å bli sjuke. Dei veit i større grad kva dei skal gjere. Hadde 50-60 sjølvregistrete pasientar siste veka. Tenestene fungerer. Smitte i institusjon vart handtert greitt. Mindre forbruk av hurtigtestar Deler ut frå m.a. butikkar. Er byrja med normalisering av oppgåver.

Indre Sogn: Prosentvis lite smitte hjå folk samanlikna med nabokommunane. Tall smitta er no på veg nedover. Sprer seg meir i alle aldersgrupper. Lite sjukdom. Lite mas på telefon. Folk er innstilt på å ta sin del av dette. Legetenesta og legevaktsentral er sårbare – har likevel gått greitt. Har tatt i bruk Koronaavtalen for tilsette. Er nok over toppen. Siste veka er det ca.180 siølyrrapporterte i desse tre kommunane. Andre oppgåver enn pandemi vert no grine fatt i.

Stad: Har litt over 350 positive sjølvregistererte prøver siste 4 veke – har auka dei siste to vekene. Har hatt moderat sjukefråvær, litt utfordring ved barnehage og skule. Er byrja å arbeide med vanlege oppgåver.

PKO: Litt forvirring om kring bruk av munnbind. Har redusert dette no. Det vert vist til retningslinjer FHI i høve til munnbindbruken.

3. Informasjonsbrev til immunsupprimerte pasientar /Kjell-Arne Nordgård

Enkelte immunsupprimerte pasientar har fått dette brevet i posten med kopi til fastlege:

"Informasjon til pasient: Pasientinformasjon om Sotrovimab"

Helseforetakene har fått en begrenset tilgang på medikamentet "Sotrovimab". Det er et antistoff mot SARS-CoV2 virus inklusive "Omkron"-varianten, og brukes til pasienter som ikke selv produserer nok antistoff mot viruset fordi de får medikamenter som demper immunforsvaret. Du vil derfor kunne ha nytte av å få Sotrovimab tidlig i sykdomsforløpet for å forhindre utvikling av mer alvorlig sykdom. Vi ber deg derfor om å kontakte egen lege eller legevakt så raskt som mulig ved symptomer som gir mistanke om nyoppstått COVID-19. Ved positiv COVID-19 PCR-test ber vi deg ta kontakt med oss på telefon 55 97 37 11 slik at vi kan vurdere om du kan få Sotrovimab som en intravenøs infusjon i Akuttmottaket ved sykehuset. Vi må samtidig gjøre oppmerksom på at forsyningen av "Sotrovimab" er begrenset og vi kan derfor ikke garantere at det vil være tilgjengelig når du eventuelt tar kontakt."

Vi forstår at dette er sendt ut frå Helse Bergen, men kanskje Helse Førde kan gje meir informasjon og ei tilbakemelding til Helse Bergen. Det blir bedt om at ein tar kontakt med eigen lege (fastlege?) eller legevakt, men det er ikkje gitt informasjon til fastlegane og kommunar om denne behandlinga.

- Kva er det forventa at legevakt eller fastlegen skal gjere?
- Er dette eit behandlingstilbod ved Haukeland eller også i Førde?
- Er pasientreiser rigga for transport av covid positive til Bergen?

Vi reagerer også på lite tryggande ordlyd som tilseier at det er svært viktig å få livsviktig behandling, men det ikkje sikkert at du får den då vi ikkje har nok medisin.

Asle Kjørlaug orienterte om dette frå Helse Førde sin ståstad. Sotrovimab er eit Covid-19 antistoff som helse-norge har kjøpt inn eit begrensa antall av. Medikamenta er fordelt rundt omkring til alle helseføretaka. Helse Førde har per no mottatt 18 dosar, der 2 er nytta. .. Dette var eit av tiltaka som skulle motverke trøng for intensivbehandling hjå immunsupprimerte pasientar som ein forventa kunne bli svært därlege. Medisin må gjevast tidleg i sjukdomsforløpet med tanke på effekt. Det er litt uklart når tid ein skal starte med behandlinga. Helse Bergen sin retningslinjer er gode, men det krev tilgang til ein del fleire doser. Medisinsk avd. vil vurdere nærmare korleis dosene skal nyttast iflg. smittevern-overlege Bent-Are Hansen. Helse Førde har ikkje planar om å sende ut brev til pasientar slik som Helse Bergen har gjort.

4. PCR testing før utanlandsreise /Kjell-Arne Nordgård

Kinn kommune la i går ut info på heimesidene sine om at dette ikkje er ei communal oppgåve. Regjeringa har lagt opp til at ein skal kunne ta slike testar, men då må pasienten betale sjølv. Korleis stiller Mikrobiologisk avd. seg til at fastlegar på eige initiativ tar slike testar og sender inn til analyse?

Frå diskusjonen: Kommunane meiner at dette ikkje er prioritert oppgåve. Det var laga ei rutine for merking av desse prøvene og ekstra betaling for analysen (kr. 500,-) innkrev via rekvirenten. Denne vart i lita grad nytta og sjukehuset ynskjer ikkje å fortsette med dette.

Utringing av prøvesvar på positive pasientar er krav til pr. idag. Etter kvart er det truleg viktigare å få melding om kven som er negative, slik at desse vert riktig handtert. Pasientlister vert ikkje nytta til noko anna enn statistikk. Tal frå Remin vert lasta opp ein gang i veka og går inn i statistikkarbeidet. Det er ynskjeleg at Helse Førde reduserer rapportering til kommunane ein gang i veka. Rapporteringa vil då kun vere tal positive og ikkje namn/nummer slik som det er pr. i dag.

Helse Førde vil ta dette med vidare. Det kan også takast vidare inn i KS systemet for avklaring med styresmaktene. Som første tiltak sender Helse Førde ut førespurnad til alle kommunane om dette er greitt.

5. Besøk i sjukehusa /Asle Kjørlaug

Helse Førde er opptatt av å verne sårbare pasientar samt redusere fare for stort sjukefråvær hjå personellet. Tal sjukmelde er stigande.

Samfunnet har opna opp – men sjukehusa held igjen. Det vert oppmoda at besøkande nyttar munnbind og held avstand. Sjukehusa vil ha forsterka smittevern ei tid enno. Dette gjeld også tilsette. Dette samsvarar også med nasjonale føringer for sjukehusdrift.

Det er i kommunane litt anna tilnærming der det ikkje er krav til bruk av munnbind og meteren er borte. Det er heller ikkje stilt særskilde krav til tilsette sine private aktivitetar. Eksponeringa er relativt høg samla sett i samfunnet.

Viktig at helseføretaket signaliserer dette til offentlegheita og informer publikum på ein god måte.

Nr	Aksjonspunkt	Ansvarleg	Når
1	Informasjon til smittevernlegane om ev. resusert tilbod på svarteneste på PCR testar	Bent-Are Hansn	Illa veka
2	Kontakt med KS i høve til å presse på at det ikkje er nødvendig med utringing av prøvesvar til rekvisitane frå mikrobiologisk lab.	Kjell-Arne Nordgård Elin Sørbotten	Illa kort tid
3	Oppfølging av ynskje om redusert svarteneste for positive CPR testar.	Bent-Are/Helse Førde	Illa kort tid